

**«Չինժառայողների
ապահովագրության» Հիմնադրամ**

Ֆինանսական հաշվետվություններ

*2017թ. հունվարի 13-ից դեկտեմբերի 31-ը ընկած
ժամանակահատվածի համար
Անկախ աուդիտորական եզրակացության հետ միասին*

Բովանդակություն

Անկախ աուդիտորական եզրակացություն

Ֆինանսական վիճակի մասին հաշվետվություն.....	1
Համապարփակ ֆինանսական արդյունքների մասին հաշվետվություն.....	2
Սեփական կապիտալում փոփոխությունների մասին հաշվետվություն.....	3
Դրամական միջոցների հոսքերի մասին հաշվետվություն.....	4

Ֆինանսական հաշվետվություններին կից ծանոթագրություններ

1. Գործունեության նկարագրություն.....	5
2. Հաշվետվությունների պատրաստման հիմունքները.....	5
3. Հաշվապահական հաշվառման նշանակալի քաղաքականությունների ամփոփ նկարագիրը.....	5
4. Թողարկված, բայց դեռ ուժի մեջ չմտած ստանդարտներ.....	7
5. Նշանակալի հաշվապահական դատողություններ, գնահատումներ և ենթադրություններ.....	9
6. Բանկերում և այլ ֆինանսական հաստատություններում տեղաբաշխված միջոցներ.....	9
7. Եկամուտներ պարտադիր վճարներից և նվիրաբերություններից.....	10
8. Հատուցումների գծով ծախսեր և պարտավորություններ.....	10
9. Պարտավորվածություններ, պայմանական պարտավորություններ և գործառնական ռիսկեր.....	10
10. Ֆինանսական ռիսկերի կառավարում.....	10
11. Ֆինանսական գործիքների իրական արժեք.....	11
12. Կապակցված կողմերի բացահայտումներ.....	12



Կառուցելով
բարեկեցիկ աշխարհ

Ernst & Young CJSC
1 Northern Ave., office 27
Yerevan, 0001, Armenia
Tel: +374 (10) 500 790
+374 (10) 500 705
Fax: +374 (10) 500 706
www.ey.com/am

-Էրնսթ և Ինգ- ՓԲԸ
ՀՀ, ք. Երևան 0001
Հրապարակաբանության 1, գրասենյակ 27
Հեռ. +374 (10) 500 790
+374 (10) 500 705
Ֆաքս. +374 (10) 500 706

Անկախ աուդիտորական եզրակացություն

«Զինթառայողների ապահովագրության» Հիմնադրամի Հոգաբարձուների խորհրդին

Կարծիք

Մենք աուդիտի ենք ենթարկել «Զինթառայողների ապահովագրության» Հիմնադրամի (այսուհետ՝ «Հիմնադրամ») ֆինանսական հաշվետվությունները, որոնք ներառում են 2017թ. դեկտեմբերի 31-ի դրությամբ ֆինանսական վիճակի մասին հաշվետվությունը, 2017թ. հունվարի 13-ից դեկտեմբերի 31-ը ընկած ժամանակահատվածի համար համապարփակ ֆինանսական արդյունքների, զուտ ակտիվներում փոփոխությունների եւ դրամական միջոցների հոսքերի մասին հաշվետվությունները, ինչպես նաև ֆինանսական հաշվետվություններին կից ծանոթագրությունները, ներառյալ՝ հաշվապահական հաշվառման նշանակալի քաղաքականությունների ամփոփ նկարագիրը:

Մեր կարծիքով, կից ֆինանսական հաշվետվությունները բոլոր էական առումներով ճշմարիտ են ներկայացնում Հիմնադրամի ֆինանսական վիճակը 2017թ. դեկտեմբերի 31-ի դրությամբ, 2017թ. հունվարի 13-ից դեկտեմբերի 31-ը ընկած ժամանակահատվածի համար ֆինանսական արդյունքները և դրամական միջոցների հոսքերը՝ համաձայն ֆինանսական հաշվետվությունների միջազգային ստանդարտների (ՖՀՄՍ-ներ):

Կարծիքի հիմքեր

Մենք աուդիտն անցկացրել ենք Աուդիտի միջազգային ստանդարտներին (ԱՄՍ-ներ) համապատասխան: Այդ ստանդարտներից բխող մեր պատասխանատվությունը նկարագրված է այս եզրակացության «Աուդիտորի պատասխանատվությունը ֆինանսական հաշվետվությունների աուդիտի համար» բաժնում:

Մենք անկախ ենք Հիմնադրամից՝ համաձայն Հաշվապահների էթիկայի Միջազգային ստանդարտների Խորհրդի կողմից հրապարակված *Պրոֆեսիոնալ հաշվապահի էթիկայի կանոնագրքի* (ՀԷՄՍԽ կանոնագիրք), և պահպանել ենք էթիկայի այլ պահանջները՝ համաձայն ՀԷՄՍԽ կանոնների:

Մենք համոզված ենք, որ մեր կողմից ձեռք բերված աուդիտորական ապացույցները բավարար և համապատասխան հիմք են հանդիսանում մեր կարծիքն արտահայտելու համար:

Ղեկավարության և Հոգաբարձուների Խորհրդի պատասխանատվությունը ֆինանսական հաշվետվությունների համար

Ղեկավարությունը պատասխանատու է ՖՀՄՍ-ների համաձայն ֆինանսական հաշվետվությունների պատրաստման և ճշմարիտ ներկայացման և այնպիսի ներքին հսկողության համար, որը, ըստ ղեկավարության, անհրաժեշտ է խարդախության կամ սխալի հետևանքով էական խեղաթյուրումներից զերծ ֆինանսական հաշվետվությունների պատրաստումն ապահովելու համար:



Կառուցելով
բարեկեցիկ աշխարհ

Ֆինանսական հաշվետվություններ պատրաստելիս ղեկավարությունը պատասխանատու է Հիմնադրամի անընդհատ գործելու կարողությունը գնահատելու համար, համապատասխան դեպքերում անընդհատության հետ կապված հարցերը բացահայտելու և կազմակերպության գործունեության անընդհատության ենթադրության հիման վրա հաշվետվությունները պատրաստելու համար, բացառությամբ այն դեպքերի, երբ ղեկավարությունը մտադիր է լուծարել Հիմնադրամը, ընդհատել դրա գործունեությունը, կամ երբ չունի այդպես չվարվելու որևէ իրատեսական այլընտրանք:

Հոգաբարձուների խորհուրդը պատասխանատու է Հիմնադրամի ֆինանսական հաշվետվությունների պատրաստման գործընթացի նկատմամբ վերահսկողության համար:

Աուդիտորի պատասխանատվությունը ֆինանսական հաշվետվությունների աուդիտի համար

Մեր նպատակն է ձեռք բերել ողջամիտ հավաստիացում առ այն, որ ֆինանսական հաշվետվությունները, ամբողջությամբ վերցրած, զերծ են էական խեղաթյուրումներից՝ անկախ դրանց խարդախության կամ սխալի հետևանքով առաջացման հանգամանքից, և ներկայացնել մեր կարծիքը ներառող աուդիտորական եզրակացություն: Ողջամիտ հավաստիացումը բարձր մակարդակի հավաստիացում է, բայց այն չի երաշխավորում, որ Աուդիտի միջազգային ստանդարտներին համաձայն իրականացված աուդիտը միշտ կհայտնաբերի էական խեղաթյուրումը, երբ այն առկա է: Խեղաթյուրումները կարող են առաջանալ խարդախության կամ սխալի արդյունքում և համարվում են էական, երբ խելամտորեն կարող է ակնկալվել, որ դրանք, առանձին կամ միասին վերցրած, կազդեն ֆինանսական հաշվետվություններն օգտագործողների՝ այդ ֆինանսական հաշվետվությունների հիման վրա կայացվող տնտեսական որոշումների վրա:

ԱՄՍ-ների համաձայն իրականացրած աուդիտի ողջ ընթացքում կիրառում ենք մասնագիտական դատողություն և պահպանում մասնագիտական կասկածամտություն: Ի լրումն՝

- ▶ հատկորոշում և գնահատում ենք խարդախության կամ սխալի հետևանքով ֆինանսական հաշվետվությունների էական խեղաթյուրման ռիսկերը, նախագծում և իրականացնում ենք աուդիտորական ընթացակարգեր՝ այդ ռիսկերին արձագանքելու նպատակով, և ձեռք ենք բերում աուդիտորական ապացույցներ, որոնք բավարար և համապատասխան հիմք են հանդիսանում մեր կարծիքի համար: Խարդախության հետևանքով առաջացած էական խեղաթյուրման չբացահայտման ռիսկն ավելի բարձր է, քան սխալի հետևանքով էական խեղաթյուրման չբացահայտման ռիսկը, քանի որ խարդախությունը կարող է ներառել հանցավոր համաձայնություն, զեղծարարություն, միտումնավոր բացթողումներ, սխալ ներկայացումներ կամ ներքին հսկողության համակարգի չարաշահում:
- ▶ ձեռք ենք բերում աուդիտին վերաբերող ներքին հսկողության մասին պատկերացում՝ տվյալ հանգամանքներին համապատասխան աուդիտորական ընթացակարգեր նախագծելու, և ոչ թե Հիմնադրամի ներքին հսկողության արդյունավետության վերաբերյալ կարծիք արտահայտելու համար:
- ▶ գնահատում ենք հաշվապահական հաշվառման կիրառված քաղաքականության տեղին լինելը, ինչպես նաև ղեկավարության կողմից կատարած հաշվապահական հաշվառման գնահատումների և կից բացահայտումների խելամտությունը:

- ▶ եզրահանգում ենք ղեկավարության կողմից հաշվապահական հաշվառման անընդհատության սկզբունքի կիրառման տեղին լինելու վերաբերյալ և հիմնվելով ձեռք բերված աուդիտորական ապացույցների վրա՝ գնահատում ենք, թե արդյոք առկա է ղեկավարի կամ հանգամանքների հետ կապված էական անորոշություն, որը կարող է էական կասկած հարուցել Հիմնադրամի անընդհատ գործելու կարողության վրա: Եթե մենք եզրահանգում ենք, որ առկա է էական անորոշություն, ապա մեզանից պահանջվում է աուդիտորական եզրակացությունում ուշադրություն հրավիրել ֆինանսական հաշվետվությունների համապատասխան բացահայտումներին, կամ, երբ այդ բացահայտումները համապատասխան չեն, ձևափոխել մեր կարծիքը: Մեր եզրահանգումները հիմնված են մինչև մեր աուդիտորական եզրակացության ամսաթիվը ձեռք բերված աուդիտորական ապացույցների վրա: Սակայն, ապագա իրադարձություններն ու հանգամանքները կարող են հանգեցնել Հիմնադրամի գործունեության անընդհատության դադարեցմանը.
- ▶ գնահատում ենք ֆինանսական հաշվետվությունների ընդհանուր ներկայացումը, կառուցվածքն ու բովանդակությունը, ներառյալ՝ բացահայտումները, ինչպես նաև ֆինանսական հաշվետվությունների հիմքում ընկած գործարքների ու ղեկավարի ճշմարիտ ներկայացումը.

Հոգաբարձուների խորհրդին, ի թիվս այլ հարցերի, հաղորդակցում ենք աուդիտի առաջադրանքի պլանավորված շրջանակի և ժամկետների, ինչպես նաև աուդիտի ընթացքում հայտնաբերված նշանակալի հարցերի, ներառյալ՝ ներքին հսկողությանը վերաբերող նշանակալի թերությունների մասին:

«Էրնսթ Ընդ Յանգ» ՓԲԸ

12 մարտի, 2018թ.

ՀՀ, ք. Երևան

Աուդիտի բաժնի հիմնադիր գործընկեր՝

Գլխավոր տնօրեն՝ Լ. Սարգսյան՝
Ի դեմս լիազորված անձ Է. Հայրապետյանի
(գործող 2016թ. օգոստոսի 1-ին տրված լիազորագրի հիման վրա)



Էրիկ Հայրապետյան

Ֆինանսական վիճակի մասին հաշվետվություն 2017թ. դեկտեմբերի 31-ի դրությամբ

(հազար ՀՀ դրամ)

	Ծան.	2017թ. դեկտեմբերի 31-ի դրությամբ
Ակտիվներ		
Ընթացիկ ակտիվներ		
Բանկերում և այլ ֆինանսական հաստատություններում տեղաբաշխված միջոցներ	6	5,783,537
		5,783,537
Ընդամենը ակտիվներ		
Ոչ ընթացիկ պարտավորություններ		
Պարտավորություններ հատուցումների գծով	8	686,817
		686,817
Ընթացիկ պարտավորություններ		
Պարտավորություններ հատուցումների գծով	8	91,656
		91,656
Ընդամենը պարտավորություններ		778,473
Զուտ ակտիվներ		
Զուտ ակտիվներ		5,005,064
Ընդամենը զուտ ակտիվներ		5,005,064
Ընդամենը զուտ ակտիվներ և պարտավորություններ		5,783,537

Ստորագրվել և հավանության են արժանացել տպագրության Տնօրենի կողմից:

Տնօրեն՝

Գլխավոր հաշվապահ՝

12 մարտի, 2018թ.

Վարուժան Ավետիսյան

Հայկանուշ Հակոբյան

**Համապարփակ ֆինանսական արդյունքների մասին հաշվետվություն
2017թ. հունվարի 13-ից դեկտեմբերի 31-ը ընկած ժամանակահատվածի համար**

(հազար ՀՀ դրամ)

	Ծան.	2017թ. հունվարի 13-ից 2017թ. դեկտեմբերի 31-ը
Եկամուտներ պարտադիր վճարներից և նվիրաբերություններից Եկամուտ բանկերում և այլ ֆինանսական հաստատություններում տեղաբաշխված միջոցներից	7	6,013,657
Ընդամենը եկամուտ		6,166,737
Հատուցումների գծով ծախսեր	8	(1,161,673)
Ընդամենը ծախսեր		(1,161,673)
Հաշվետու տարվա արդյունք		5,005,064
Ընդամենը հաշվետու ժամանակաշրջանի համապարփակ ֆինանսական արդյունքներ		5,005,064

**Չուտ ակտիվներում փոփոխությունների մասին հաշվետվություն
2017թ. հունվարի 13-ից դեկտեմբերի 31-ը ընկած ժամանակահատվածի համար**

(հազար ՀՀ դրամ)

	<u>Ընդամենը զուտ ակտիվներ</u>
Չուտ ակտիվներ 2017թ. հունվարի 13-ի դրությամբ	-
Ընդամենը հաշվետու տարվա համապարփակ եկամուտ	<u>5,005,064</u>
Չուտ ակտիվներ 2017թ. դեկտեմբերի 31-ի դրությամբ	<u><u>5,005,064</u></u>

**Դրամական միջոցների հոսքերի մասին հաշվետվություն
2017թ. հունվարի 13-ից դեկտեմբերի 31-ը ընկած ժամանակահատվածի համար**

(հազար ՀՀ դրամ)

	2017թ. հունվարի 13-ից 2017թ. դեկտեմբերի 31-ը	
	Ծան.	
Դրամական հոսքեր գործառնական գործունեությունից		
Ստացված պարտադիր վճարներ և նվիրաբերություններ	7	6,013,657
Եկամտային ֆոնդերից օգտագործված միջոցներ	8	(383,200)
Չուտ դրամական միջոցների հոսքեր՝ ստացված գործառնական գործունեությունից		5,630,457
Դրամական հոսքեր ներդրումային գործունեությունից		
Բանկերում և այլ ֆինանսական հաստատություններում տեղաբաշխված միջոցներ		(6,232,185)
Բանկերում և այլ ֆինանսական հաստատություններում տեղաբաշխված միջոցների մարում		500,000
Բանկերում և այլ ֆինանսական հաստատություններում տեղաբաշխված միջոցներից ստացված տոկոսներ		101,728
Չուտ դրամական միջոցների հոսքեր՝ օգտագործված ներդրումային գործունեությունում		(5,630,457)
Դրամական միջոցների և դրանց համարժեքների զուտ աճ		-
Դրամական միջոցներ և դրանց համարժեքներ հաշվետու տարվա սկզբում		-
Դրամական միջոցներ և դրանց համարժեքներ հաշվետու տարվա վերջում		-

(հազար ՀՀ դրամ)

1. Գործունեության նկարագրություն

«Չինժառայողների ապահովագրության» Հիմնադրամը (այսուհետ՝ «Հիմնադրամ») հիմնադրվել է 2017թ. հունվարի 13-ին՝ որպես շահույթ չիետապնդող կազմակերպություն:

Հիմնադրամը ստեղծվել է՝ ապահովվելու գոհված զինժառայողների ընտանիքների, ինչպես նաև մարտական գործողությունների ընթացքում վիրավորված զինժառայողների սոցիալական բարօրությունը:

Հիմնադրամի հիմնադիրն է ՀՀ կենտրոնական բանկը:

Հիմնադրամը ֆինանսավորվում է Հայաստանում աշխատող յուրաքանչյուր անձի կողմից ամսական 1000 (հազար) ՀՀ դրամ փոխանցվող միջոցներից (պարտադիր վճարներ) և այլ բարերարների կողմից ստացված նվիրաբերություններից:

Հիմնադրամը գտնվում է ՀՀ, ք. Երևան, 0010, Վազգեն Սարգսյան 6 հասցեում:

Հոգաբարձուների խորհուրդը բաղկացած է 9 անդամներից:

Հիմնադրամի հիմնական նպատակները հետևյալն են՝

- ▶ Հայաստանի Հանրապետության պաշտպանության, մարտական գործողություններին մասնակցելու կամ հակառակորդի հետ շփման գծում մարտական հերթապահության, կամ հատուկ առաջադրանք կատարելու ժամանակ զինժառայողների կյանքին կամ առողջությանը պատճառված վնասների հատուցումը և այդ նպատակի ապահովման համար օրենքով սահմանված գործառնությունների իրականացումը:
- ▶ Խրախուսել յուրաքանչյուրին՝ սատար կանգնել հայկական բանակի զինվորներին՝ նվիրատվություն կատարելով վերջիններիս կյանքի ապահովագրության համար:

2. Հաշվետվությունների պատրաստման հիմունքները

Ընդհանուր

Սույն ֆինանսական հաշվետվությունները պատրաստվել են Ֆինանսական հաշվետվությունների միջազգային ստանդարտների համաձայն («ՖՀՄՍ»):

Հիմնադրամը պարտավորված է իրականացնել հաշվապահական հաշվառումը և պատրաստել ֆինանսական հաշվետվությունները ՀՀ դրամով՝ հաշվապահական հաշվառման ՀՀ օրենսդրությանը և դրանից բխող ցուցումներին համապատասխան:

Ֆինանսական հաշվետվությունները պատրաստվել են պատմական արժեքի սկզբունքի հիման վրա, ինչպես բացահայտված է ստորև բերված հաշվապահական հաշվառման քաղաքականության մեջ:

Ֆինանսական հաշվետվությունները ներկայացված են հայկական դրամով, և բոլոր արժեքները կլորացված են մինչև հազար ՀՀ դրամ, եթե այլ բան նշված չէ:

3. Հաշվապահական հաշվառման նշանակալի քաղաքականությունների ամփոփ նկարագիրը

Դրամական միջոցներ և դրանց համարժեքներ

Դրամական միջոցներն ու դրանց համարժեքները ներառում են կանխիկ միջոցները և բանկային հաշիվների մնացորդները:

(հազար ՀՀ դրամ)

3. Հաշվապահական հաշվառման նշանակալի քաղաքականությունների ամփոփ նկարագիրը (շարունակություն)

Ֆինանսական ակտիվներ

Հիմնադրամի ֆինանսական ակտիվները ներառում են բանկերում և այլ ֆինանսական հաստատություններում ներդրված միջոցները, որոնք հանդիսանում են իր գործունեության անմիջական արդյունքը:

Հիմնադրամի ֆինանսական ակտիվները սկզբնական ճանաչման պահին չափվում են իրական արժեքով: Հետագա չափումը կատարվում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Ֆինանսական ակտիվը (կամ, որտեղ կիրառելի է, ֆինանսական ակտիվի մի մասը, կամ համանման ֆինանսական ակտիվների խմբի մի մասը) ապաճանաչվում է, երբ՝

- ▶ ակտիվից դրամական հոսքեր ստանալու պահանջի իրավունքի ժամկետն ավարտված է,
- ▶ Հիմնադրամը փոխանցել է ակտիվից դրամական հոսքեր ստանալու պահանջի իրավունքը, կամ պահպանում է այդ իրավունքը, բայց պարտավորվում է ստացված գումարներն ամբողջությամբ և առանց էական ուշացման փոխանցել երրորդ կողմին՝ փոխանցման պայմանավորվածության համաձայն, ինչպես նաև,
- ▶ Հիմնադրամը կամ (ա) փոխանցել է ակտիվի գծով բոլոր ռիսկերի և հատույցների զգալի մասը, կամ (բ) ոչ փոխանցել և ոչ էլ պահպանում է ակտիվի գծով բոլոր ռիսկերի և հատույցների օգուտների զգալի մասը, սակայն փոխանցել է ակտիվի նկատմամբ վերահսկողության իրավունքը:

Այն դեպքում, երբ Հիմնադրամը փոխանցել է ակտիվից դրամական հոսքեր ստանալու պահանջի իրավունքը և ոչ փոխանցել ու ոչ էլ պահպանում է ակտիվի գծով ռիսկերի և օգուտների զգալի մասը, և չի փոխանցել ակտիվի նկատմամբ վերահսկողությունը, ակտիվը ճանաչվում է Հիմնադրամի շարունակվող մասնակցությանը համաձայն: Երբ շարունակվող մասնակցությունը ձեռք է բերում փոխանցվող ակտիվի երաշխիքային ապահովման ձև, այդպիսի մասնակցությունը չափվում է հետևյալ երկու մեծություններից նվազագույնով՝ ակտիվի սկզբնական հաշվեկշռային արժեք և Հիմնադրամից պահանջվող փոխհատուցման առավելագույն գումար:

Ֆինանսական ակտիվների արժեզրկում

Յուրաքանչյուր հաշվետու ամսաթվին Հիմնադրամը իրականացնում է ֆինանսական ակտիվի կամ ֆինանսական ակտիվների խմբի՝ արժեզրկված լինելու օբյեկտիվ հայտանիշների գնահատում: Ֆինանսական ակտիվը կամ ֆինանսական ակտիվների խումբը համարվում են արժեզրկված միայն և միայն այն դեպքում, եթե կա արժեզրկման օբյեկտիվ հայտանիշ, որպես ակտիվի սկզբնական ճանաչումից հետո տեղի ունեցած մեկ կամ մի քանի իրադարձությունների («ծախսային իրադարձություն») արդյունք, և երբ այդ իրադարձությունը կամ իրադարձություններն ազդեցություն ունեն ֆինանսական ակտիվից կամ ակտիվների խմբից ակնկալվող ապագա դրամական հոսքերի վրա, որոնք կարելի է արժանահավատորեն չափել: Արժեզրկումից առաջացած վնասի օբյեկտիվ հայտանիշը կարող է ներառել գործընկերոջ կամ գործընկերների խմբի զգալի ֆինանսական դժվարությունները, տոկոսագումարների և մայր գումարների վճարման պարտավորությունների խախտումների առկայությունը, այն հավանականությունը, որ տեղի կունենա սևանկացում կամ այլ ֆինանսական վերակազմակերպում, ինչպես նաև դիտարկվող շուկաներից տեղեկատվությունն ակնկալվող ապագա դրամական հոսքերի չափերի նվազման վերաբերյալ, օրինակ՝ ժամկետանց վճարումների մակարդակի փոփոխություն կամ տնտեսական պայմանների փոփոխություն, որոնք կապված են ակտիվների արժեզրկման հետ:

Ֆինանսական պարտավորություններ

Ֆինանսական պարտավորությունները սկզբնապես ճանաչվում են իրական արժեքով՝ հանած գործարքին ուղղակիորեն վերագրելի ծախսերը, և չեն դասակարգվել որպես իրական արժեքով՝ շահույթի կամ վնասի միջոցով չափվող: Հետագա չափումը կատարվում է ամորտիզացված արժեքով՝ կիրառելով արդյունավետ տոկոսադրույքի մեթոդը:

Հիմնադրամի հիմնական ֆինանսական պարտավորությունները բաղկացած են փոխհատուցումների գծով պարտավորություններից:

Ֆինանսական պարտավորությունն ապաճանաչվում է, երբ մարվում, չեղյալ է համարվում կամ ուժի մեջ լինելու ժամկետը լրանում է:

Եկամուտներ

Պարտադիր վճարներից և նվիրաբերություններից ստացված եկամուտներ հասանելի են Հիմնադրամի գործունեության ֆինանսավորման համար, ինչպես նշված է Հիմնադրամի կառավարչական փաստաթղթերում: Այդ իսկ պատճառով, պարտադիր վճարները և նվիրաբերությունները ճանաչվում են որպես եկամուտ, երբ դառնում են հասանելի:

(հազար ՀՀ դրամ)

3. Հաշվապահական հաշվառման քաղաքականությունների նշանակալի մասերի ամփոփ նկարագիր (շարունակություն)

Չուտ ակտիվներ

Հիմնադրամի զուտ ակտիվները չեն բաշխվում հիմնադիրների միջև ո՛չ սովորական գործունեության ընթացքում, և ոչ էլ՝ լուծարման ժամանակ:

Տոկոսային եկամուտ

Եկամուտները ճանաչվում են այն ժամանակ, երբ տոկոսները հաշվեգրվում են (օգտագործելով արդյունավետ տոկոսադրույքի մեթոդը, որն ակնկալվող ապագա դրամական մուտքերը գերցում է ֆինանսական գործիքի ակնկալվող օգտագործման ժամանակահատվածի ընթացքում ֆինանսական ակտիվի զուտ հաշվեկշռային արժեքին):

Ծախսեր

Վճարները, միջնորդավճարները և այլ ծախսերը սովորաբար ճանաչվում են հաշվեգրման եղանակով, երբ ծառայությունը համարվում է մատուցված:

Հատուցումների գծով ծախսեր

Հատուցումների գծով ծախսը ճանաչվում է հատուցման վերաբերյալ ՀՀ Պաշտպանության Նախարարության որոշումը ստանալու պահին՝ հատուցման ենթակա վճարվելիք գումարների ներկա արժեքի չափով, որը հավասար է հատուցման գծով պարտավորության իրական արժեքին: Հատուցման գծով պարտավորությունը սկզբնական ճանաչումից հետո չափվում է ամորտիզացված արժեքով՝ օգտագործելով սկզբնական ճանաչման ժամանակ կիրառված գերցման տոկոսադրույքը: Պարտավորության՝ ամորտիզացված արժեքով վերաչափման տարբերությունը ներառվում է հատուցման գծով ծախսերի մեջ՝ որպես ֆինանսական բաղադրիչ:

Արտարժույթային գործառնություններ

Հիմնադրամի ֆինանսական հաշվետվությունները ներկայացված են Հայկական դրամով, որը Հիմնադրամի գործառնական և ներկայացման արժույթն է: Արտարժույթով գործարքները սկզբնապես հաշվառվում են գործարքի կատարման ամսաթվի դրությամբ առկա գործառնական արժույթի փոխարժեքով: Արտարժույթով սահմանված դրամային ակտիվները և պարտավորությունները վերահաշվարկվում են հաշվետու ամսաթվի դրությամբ գործառնական արժույթի փոխանակման փոխարժեքով: Ոչ դրամային հողվածները, որոնք չափվում են պատմական արժեքով, արտարժույթով վերահաշվարկվում են՝ օգտագործելով սկզբնական գործարքի ամսաթվի դրությամբ փոխարժեքները:

Արտարժույթով գործարքների պայմանագրային փոխարժեքի և գործարքի օրվա դրությամբ ՀՀ կենտրոնական բանկի կողմից սահմանված փոխարժեքի տարբերությունները արտացոլվում են արտարժույթային գործառնություններից առաջացած օգուտ կամ վնասում:

2017 թվականի դեկտեմբերի 31-ի դրությամբ ՀՀ կենտրոնական բանկի կողմից 1 ԱՄՆ դոլարի համար հայտարարված փոխարժեքը կազմում էր 484.1 ՀՀ դրամ, 1 եվրոյի համար՝ 580.1 ՀՀ դրամ, իսկ 1 ռուբլու համար՝ 8.4 ՀՀ դրամ:

4. Թողարկված, բայց դեռ ուժի մեջ չմտած ստանդարտներ

Ստորև ներկայացված են ստանդարտները և մեկնաբանությունները, որոնք թողարկվել են, բայց Հիմնադրամի ֆինանսական հաշվետվությունների հրապարակման օրվա դրությամբ դեռևս ուժի մեջ չեն մտել: Հիմնադրամը մտադիր է կիրառել այդ ստանդարտները ուժի մեջ մտնելուց հետո:

ՖՀՄՍ 9 «Ֆինանսական գործիքներ»

2014 թ. հուլիսին ՀՀՄՍԽ-ն թողարկեց ՖՀՄՍ 9 «Ֆինանսական գործիքներ» ստանդարտը, որը փոխարինում է ՀՀՄՍ 39 ստանդարտին՝ «Ֆինանսական գործիքներ. ճանաչումը և չափումը»: Ստանդարտը ներկայացնում է դասակարգման, չափման, ինչպես նաև արժեգրվման և հեջավորման հաշվառման նոր պահանջներ:

ՖՀՄՍ 9-ը ուժի մեջ է մտնում 2018 թ.-ի հունվարի 1-ին կամ այդ ամսաթվից հետո սկսվող հաշվետու ժամանակաշրջանների համար: Բացի հեջավորման հաշվառումից, հետադարձ կիրառումը պահանջվում է, սակայն համադրելի տեղեկատվության վերահաշվարկը պարտադիր չէ:

(հազար ՀՀ դրամ)

4. Թողարկված, բայց դեռ ուժի մեջ չմտած ստանդարտներ (շարունակություն)

Հիմնադրամը նախատեսում է կիրառել նոր ստանդարտը՝ ճանաչելով անցման կուտակային ազդեցությունը հաշվետու տարվա սկզբի չբաշխված շահույթում և առանց համեմատական տեղեկատվությունը վերահաշվարկելու: Հիմնադրամը գտնվում է ՖՀՄՍ 9-ի կիրառման ազդեցությունը գնահատելու գործընթացում, սակայն այդ ազդեցության որևէ ողջամիտ գնահատում դեռևս առկա չէ:

ՖՀՄՍ 9 «Ֆինանսական գործիքներ» (շարունակություն)

(ա) *Ղասակարգում և չափում*

ՖՀՄՍ 9-ի համաձայն, բոլոր պարտքային ֆինանսական ակտիվները, որոնք չեն համապատասխանում «բացառապես հիմնական գումարի և տոկոսների վճարման» չափանիշին (ԲՀԳՏԿ), սկզբնական ճանաչման ժամանակ դասակարգվում են որպես իրական արժեքով՝ շահույթի կամ վնասի միջոցով չափվող: Այս չափանիշի համաձայն՝ պարտքային գործիքները, որոնք չեն համապատասխանում «վարկավորման հիմնական պայմաններին», ինչպիսիք են պարունակվող փոխարկման օպցիոնով գործիքները կամ առանց ռեգրեսի իրավունքի վարկերը, գնահատվում են իրական արժեքով՝ շահույթի կամ վնասի միջոցով: ԲՀԳՏԿ չափանիշին համապատասխանող պարտքային ֆինանսական ակտիվների համար սկզբնական ճանաչման ժամանակ դասակարգումը որոշվում է բիզնես մոդելի հիման վրա, որի համաձայն այդ գործիքները կառավարվում են:

- ▶ գործիքները, որոնք պահվում են պայմանագրով նախատեսված դրամական հոսքերը ստանալու նպատակով, չափվում են ամորտիզացված արժեքով:
- ▶ գործիքները, որոնք պահվում են պայմանագրով նախատեսված դրամական հոսքերը ստանալու և վաճառքի նպատակով, չափվում են իրական արժեքով՝ այլ համապարփակ եկամտի միջոցով:
- ▶ այլ նպատակով պահվող գործիքները, ներառյալ առևտրային ֆինանսական ակտիվները, գնահատվում են իրական արժեքով՝ շահույթի կամ վնասի միջոցով:

Սկզբնական ճանաչման ժամանակ բաժնային ֆինանսական ակտիվները պետք է դասակարգվեն որպես իրական արժեքով՝ շահույթի կամ վնասի միջոցով չափվող, բացառությամբ այն դեպքերի, երբ որոշում է կայացվել, առանց հետագայում վերանայելու իրավունքի, դրանք դասակարգել որպես իրական արժեքով՝ այլ համապարփակ եկամտի միջոցով չափվող: Իրական արժեքով այլ համապարփակ եկամտի միջոցով չափվող բաժնային գործիքներից ողջ իրացված և չիրացված շահույթն ու վնասը, բացառությամբ շահաբաժինների, ճանաչվում են այլ համապարփակ ֆինանսական արդյունքներում, առանց շահույթում կամ վնասում հետագա վերադասակարգման:

Ֆինանսական պարտավորությունների դասակարգումը և չափումը հիմնականում մնում են անփոփոխ ՖՀՄՍ 39-ի պահանջների համեմատ: Ածանցյալներ գործիքները կշարունակեն չափվել իրական արժեքով՝ շահույթի կամ վնասի միջոցով:

Սպասվում է, որ Հիմնադրամի ներդրումները պետք է բավարարեն «բացառապես մայր գումարի և տոկոսների վճարման» չափանիշին և կշարունակվեն չափվել ամորտիզացված արժեքով:

բ) *Արժեզրկում*

ՖՀՄՍ 9-ը պահանջում է Հիմնադրամից ճանաչել պահուստ ամորտիզացված արժեքով կամ իրական արժեքով՝ այլ համապարփակ եկամտի միջոցով չափվող բոլոր պարտքային ֆինանսական ակտիվների, ինչպես նաև վարկային պարտավորվածությունների և երաշխիքների գծով ակնկալվող վարկային կորուստների (ԱՎԿ) համար: Պահուստը որոշվում է ԱՎԿ-ի հիման վրա, որը կապված է հաջորդ 12 ամիսների ընթացքում դեֆոլտի հավանականության հետ, բացառությամբ այն դեպքերի, երբ ակտիվի սկզբնական ճանաչումից հետո տեղի է ունեցել վարկային ռիսկի նշանակալի աճ: Այդ դեպքում պահուստը հիմնված է ակտիվի ամբողջ ժամկետի ընթացքում ԱՎԿ-ի վրա:

Եթե ֆինանսական ակտիվը համապատասխանում է գնված կամ ստեղծած արժեզրկված ֆինանսական ակտիվի սահմանմանը, ապա պահուստը հաշվարկվում է ակտիվի ամբողջ ժամկետի ընթացքում ԱՎԿ-ի փոփոխության հիման վրա:

(հազար ՀՀ դրամ)

5. Նշանակալի հաշվապահական դատողություններ, գնահատումներ և ենթադրություններ

Գնահատումներ, ենթադրություններ և դատողություններ

Հիմնադրամի կողմից հաշվապահական հաշվառման քաղաքականության կիրառման ընթացքում Հիմնադրամի ղեկավարությունը կատարել է գնահատումներ և դատողություններ՝ ֆինանսական հաշվետվություններում ներկայացված տվյալների որոշման համար: Առավել էական ազդեցություն ունեցող գնահատումները և դատողությունները հետևյալն է՝

Ակտիվների արժեզրկումը և պահուստների հաշվառումը

Հիմնադրամը պարբերաբար վերանայում է իր ակտիվների արժեզրկման հայտանիշները: Հիմնադրամը անհրաժեշտության դեպքում կիրառում է իր մասնագիտական դատողությունները՝ գնահատելու համար ցանկացած արժեզրկումից կորուստների գումարը: Նույն կերպ, Հիմնադրամը գնահատում է ապագա դրամական հոսքերում փոփոխությունները՝ հիմնվելով այն դիտարկելի տվյալների վրա, որոնք մատնանշում են գործընկերների վճարունակության մակարդակների փոփոխությունները, կամ ազգային կամ տեղական տնտեսական իրավիճակների փոփոխությունները, որոնք որևէ կերպ առնչվում են ակտիվների արժեզրկման հետ: Սեփական փորձից ելնելով՝ Հիմնադրամը կիրառում է իր մասնագիտական դատողությունները ակտիվների վերաբերյալ դիտարկելի տեղեկատվության ճշգրտման համար՝ ընթացիկ իրավիճակը արտացոլելու նպատակով:

Հատուցումների գծով պարտավորությունների իրական արժեք

Հատուցումների գծով պարտավորությունների իրական արժեքը որոշելու համար Հիմնադրամը օգտագործում է զեռչված դրամական հոսքերի մեթոդը՝ որպես զեռչման դրույք օգտագործելով ՀՀ պետական երկարաժամկետ պարտատոմսերի միջև մարումը եկամտաբերության տոկոսադրույքը:

6. Բանկերում և այլ ֆինանսական հաստատություններում տեղաբաշխված միջոցներ

Բանկերում և այլ ֆինանսական հաստատություններում տեղաբաշխված միջոցները ներառում են հետևյալ հոդվածները.

	<i>2017 թ.-ի դեկտեմբերի 31-ի դրությամբ</i>
ՀՀ բանկերում ներդրված ավանդներ	2,550,000
Ռեպո գործարքներ	1,986,384
ՀՀ կենտրոնական բանկում ներդրված միջոցներ	1,195,801
Տեղաբաշխված միջոցների դիմաց հաշվեզրկված տոկոսներ	51,352
Բանկերում և այլ ֆինանսական հաստատություններում տեղաբաշխված միջոցներ	5,783,537

Բանկերում և այլ ֆինանսական հաստատություններում տեղաբաշխված միջոցները ներկայացված են ՀՀ դրամով և առավելագույնը մինչև 185 օր մարման ժամկետով:

Ռեպո պայմանագրերի առարկա են հանդիսանում պետական արժեթղթերը՝ 1,984,500 հազ. դրամ իրական արժեքով:

Ֆինանսական ակտիվները հաշվանցվում են պարտավորություններով և ֆինանսական վիճակի մասին հաշվետվությունում արտացոլվում են զուտ մնացորդով, եթե գոյություն ունի ճանաչված գումարները հաշվանցելու իրավական հիմք և գոյություն ունի դրանք զուտ հիմքով մարելու կամ միաժամանակ ակտիվները իրացնելու և պարտավորությունները մարելու մտադրություն:

Սույն պայմանները, որպես կանոն, չեն տարածվում հաշվանցման գլխավոր համաձայնությունների վրա, և Ռեպո գործարքները ֆինանսական վիճակի մասին հաշվետվությունում արտացոլվում են համախառն արժեքով:

(հազար ՀՀ դրամ)

7. Եկամուտներ պարտադիր վճարներից և նվիրաբերություններից

Նվիրաբերություններից ստացվող եկամուտները ներառում են.

	<u>2017թ. հունվարի 13-ից մինչև 2017թ. դեկտեմբերի 31-ը</u>
Պարտադիր վճարներ	5,919,336
Կամավոր նվիրատվություններ	94,321
Ընդամենը եկամուտներ նվիրաբերություններից	6,013,657

8. Հատուցումների գծով ծախսեր և պարտավորություններ

Հատուցումների գծով ծախսը բաղկացած է հատուցման գծով պարտավորությունների՝ սկզբնական ճանաչման պահին ճանաչված իրական արժեքից (1,094,123 հազ. դրամ) և դրանց՝ ամորտիզացված արժեքով վերաչափման արդյունքում առաջացող ֆինանսական բաղադրիչից (67,550 հազ. դրամ):

Հատուցումների գծով պարտավորության ամորտիզացված արժեքը 2017 թ.-ի դեկտեմբերի 31-ի դրությամբ կազմում է 778,473 հազ. դրամ:

9. Պարտավորվածություններ, պայմանական պարտավորություններ և գործառնական ռիսկեր**Հիմնադրամի գործառնական միջավայրը**

Հայաստանի Հանրապետությունը շարունակում է տնտեսական բարեփոխումները և իրավական, հարկային ու կարգավորման հայեցակարգերի զարգացումը՝ շուկայական տնտեսության պահանջներին համապատասխան: Հայաստանի տնտեսության ապագա կայունությունը հիմնականում կախված է այս բարեփոխումներից և զարգացումներից, ինչպես նաև կառավարության կողմից իրականացվող տնտեսական, ֆինանսական և դրամավարկային քաղաքականությունների արդյունավետությունից:

Ղեկավարությունը գտնում է, որ համապատասխան քայլեր է ձեռնարկում գոյություն ունեցող պայմաններում Հիմնադրամի կայունության ապահովման համար:

Ղատական հայցեր գծով պայմանական պարտավորություններ

Հաշվետու տարվա ընթացքում Հիմնադրամը իր բնականոն տնտեսական գործունեության ընթացքում չի ներգրավվել դատական գործընթացների մեջ: Ղեկավարության կարծիքով, չկան ընթացիկ դատական գործընթացներ, որոնք կարող էին որևէ կերպ ազդեցություն ունենալ Հիմնադրամի ֆինանսական դրության կամ գործարքների արդյունքների վրա, և որոնք չեն հաշվարկվել կամ բացահայտվել այս ֆինանսական հաշվետվություններում:

10. Ֆինանսական ռիսկերի կառավարում

Հիմնադրամի հիմնական ֆինանսական գործիքները ներառում են բանկերում և այլ ֆինանսական հաստատություններում ներդրված միջոցները և պարտավորությունները հատուցումների գծով:

Հիմնական ռիսկերը, կապված Հիմնադրամի ֆինանսական գործիքների հետ, հանդիսանում են տոկոսադրույքի ռիսկը, իրացվելիության ռիսկը: Իրականացվում է վերահսկողություն ներքոհիշյալ ռիսկերից յուրաքանչյուրի գծով, որոնք ամփոփված են ստորև:

(հազար ՀՀ դրամ)

10. Ֆինանսական ռիսկերի կառավարում (շարունակություն)

Տոկոսադրույքի ռիսկ

Հիմնադրամի եկամուտը և գործառնական գործունեությունից դրամական հոսքերը անկախ են շուկայական տոկոսադրույքների փոփոխությունների նկատմամբ:

Իրացվելիության ռիսկ

Հիմնադրամի իրականացում է շարունակական վերահսկողություն վնասներ կրելու ռիսկի ուղղությամբ, որն առաջանում է իրացվելի ակտիվների բացակայության պատճառով ֆինանսական պարտավորություններն ամբողջությամբ կատարելու անկարողությունից:

Մինչև մարման ժամկետը մնացած ֆինանսական պարտավորությունների վերլուծությունը

Ստորև ներկայացվում է դեկտեմբերի 31-ի դրությամբ Բանկի ֆինանսական պարտավորությունների բաշխումը՝ հաշվետու ամսաթվից մինչև չգերջված պարտավորությունների պայմանագրերում նշված մարմանը մնացած ժամկետների համաձայն:

Ֆինանսական պարտավորություններ 2017թ. դեկտեմբերի 31-ի դրությամբ	<i>մինչև</i>				<i>Ընդամենը</i>
	<i>3 ամիս</i>	<i>3-ից 12 ամիս</i>	<i>1-ից 5 տարի</i>	<i>5 տարուց ավելի</i>	
Պարտավորություններ հատուցումների գծով	24,150	72,450	482,800	1,292,700	1,872,000
Ընդամենը չգերջված ֆինանսական պարտավորություններ	24,150	72,450	482,800	1,292,700	1,872,000

Վարկային ռիսկ

Հիմնադրամի Բանկերում և այլ ֆինանսական հաստատություններում տեղաբաշխված միջոցները պահվում են Հայաստանի բարձր համբավ ունեցող բանկերում:

11. Ֆինանսական գործիքների իրական արժեք

Բանկերում և այլ ֆինանսական հաստատություններում ներդրված միջոցների և հատուցումների գծով պարտավորությունների իրական արժեքները մոտավորապես հավասար են իրենց հաշվեկշռային արժեքներին:

Հիմնադրամի օգտագործում է հետևյալ հիերարխիան ֆինանսական գործիքների իրական արժեքը գնահատման մեթոդով որոշելու և բացահայտելու համար.

- ▶ 1-ին մակարդակ. Ակտիվ շուկայում նմանատիպ ակտիվների և պարտավորությունների գնահատված (չճշգրտված) գինը,
- ▶ 2-րդ մակարդակ. Մեթոդներ, որոնցում իրական արժեքի վրա նշանակալի ազդեցություն ունեցող բոլոր փոփոխականները, ուղղակիորեն կամ անուղղակիորեն դիտարկելի են,
- ▶ 3-րդ մակարդակ. Մեթոդներ, որոնցում իրական արժեքի վրա նշանակալի ազդեցություն ունեցող բոլոր փոփոխականները հիմնված չեն դիտարկելի շուկայական տեղեկատվության վրա:

Ֆինանսական գործիքների իրական արժեքի հիերարխիան՝ գնահատված այն արժեքով, որը մոտարկում է դրանց իրական արժեքը 2017 թվականի դեկտեմբերի 31-ի դրությամբ.

	<i>Ընդամենը</i>	<i>2-րդ մակարդակ</i>	<i>3-րդ մակարդակ</i>
Ակտիվներ, որոնց իրական արժեքը բացահայտվում է Բանկերում և այլ ֆինանսական հաստատություններում ներդրված միջոցների	5,783,537	5,783,537	-
Պարտավորություններ, որոնց իրական արժեքը բացահայտվում է		<i>2-րդ մակարդակ</i>	<i>3-րդ մակարդակ</i>
Պարտավորություններ հատուցումների գծով	778,473	-	778,473

(հազար ՀՀ դրամ)

12. Կապակցված կողմերի բացահայտումներ

Բանկերում և այլ ֆինանսական հաստատություններում ներդրված միջոցների

2017թ. դեկտեմբերի 31-ի դրությամբ Հիմնադրամը ունի ՀՀ կենտրոնական բանկում ներդրված միջոցներ 1,195,801 հազ. դրամի չափով:

Եկամուտ բանկերում և այլ ֆինանսական հաստատություններում տեղաբաշխված միջոցներից

2017թ. հունվարի 13-ից դեկտեմբերի 31-ը ընկած ժամանակահատվածում Հիմնադրամը ստացել է տոկոսային եկամուտ ՀՀ կենտրոնական բանկում ներդրված միջոցներից 83,373 հազ. դրամի չափով: